



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1605. Soc. 66.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

24. In Collegio Ulyssiponenſi die ſextâ Aprilis Libitinæ ſuccubuit P. Joannes Socirus natus Alcacere Seguerio in Africa. Plurimis annis exemplo magno procuravit negotia Provinciarum Indiæ, ac Braſiliæ. Ante ſolis ortum horis aliquot de lecto ſolitus conſurgere, ut expleret orationis penſa, eſetque ad tractanda negotia ſine ulla ſpiritus jacturâ expeditior. Sebaſtianus Gonſalvius Coadjutor, Sociri ſocius, demortui veſtigia preſit 21. Auguſti: modeſtia, manſuetudo, & omnimoda virtus cunctis charum reddidère.

Obeunt P. Joannes Socirus, & Sebaſtianus Gonſalvius.

25. Scholæ ejuſdem Collegii tum litteris, tum Chriſtianis moribus florebant. Scholaſtici 40. ſe tradidère religioſis clauſtris. Habita tragædia de divo Antonio Abbate, cui interfuit Alphonſus Caſtelbrancus regni Prorex. Præluſerant certamina manſuetiorum Claſſium, & præmia victoribus collata. Ad bacchantium furorem ſanandum Magiſtri cum diſcipulis inſtar ſupplicantis agminis vias urbis præcipuas obivère: ſeptem Muſicorum chori diſtantibus intervallis recreabant populum. Tam gratum oculis, auribusque ſpectaculum urbem attraxit omnem, quæ & alias temporis illius poſuit infanias, tum quæ laudavit piam jucunditatem bonis moribus utiliſſimam.

Scholæ Ulyſſiponenſis.

26. In Portuſenſi Collegio 8. Januarii quinquagenario major è medio ſublatus eſt P. Antonius Pirius Tentugalenſis, Coadjutor ſpiritalis, notæ virtutis. Eminuit charitas in pauperes, qui & mortuum jugibus lacrymis deſleverunt. Primus non ſemel ſe obtulit in contagioſis morbis ad ſuccurrendum. Rogabat mitti nocturno tempore ad ægrotantes. Immodica in audiendis poenitentibus aſiduitas calendis Januarii ad lectum proſtravit. Supremo morbo tam pacatus erat, atque ille, qui poſt longos viarum errores patriæ appropinquat.

Obitus P. Antonii Pirii.

Annus 1605. Soc. 66.

1. Ulyſſipone 20. Martii poſitus eſt primus lapis templi tironum: eum jecit ſolitâ caremoniâ Epicoſus Malacenſis, monachus Ordinis D. Hieronymi, portantibus P. Antonio Maſcarenio Provinciali, & Domûs Profeſſæ Præpoſito. Fernandus Tellius Menefius ejuſ domûs Fundator ſupremæ neceſſitati ceſſit 26. Novembris: cujus cadaver depositum eſt in ſacro Veſtiario Domûs Profeſſæ, ut poſt conſtructum tironum templum, eò transferretur.

Primus lapis templi tironum, & Fundatoris mors.

2. Cum PP. Antonius Vaſconcellius, & Stephanus Caſtrius menses novem inſumpſiſſent excolendo Chriſtianis myſteriis Portalegriam, ejuſque diceceſim, placuit Illuſtriſſimo Domino Didaco Correæ Epicoſo firmam Societati in urbe ſedem conſtituere. Ille cum Capitulo donarunt nobis ædiculam D. Blaſii vetuſti, ut illic vocabant, & ſacram ædem S. Mariæ Magnæ; prope hanc conductâ domus, in quam commodè paratam, ut ſinebant anguſtiæ, Patres immigrarunt die trigeſimâ primâ Julii Protoparenti noſtro dicatâ. Haecenus hoſpites fuerant in Seminario Convictorum. Septembri proximo noſtro vocato Eboram Vaſconcellio ad Collegium gubernandum ſucceſſit P. Eduardus Silveira. Victum liberaliter, dum vixit, præbuit Epicoſus.

Initium Collegii Portalegrenſis.

3. Dominus Julianus Alva Portalegriæ primus antiſtes (nam antea ea diceceſis pars erat Guardiſenſis) anno 1570. jecit quodammodo hujus fundatiõnis primordia: nam inſtituens Gymnaſium moraliſ ſcientiæ, & alterum Latinitatis, imperavit, ut, ſi quo tempore Societas Portalegriæ domum conderet, ipſi gymnaſia cum reditu traderentur, & ſimul ædificium cum ſacello divi Sebaſtiani, quod conſiderat, ut ibi Magiſtri habitarent. Poſt multam rerum, & annorum periodum à nobis emptum eſt ædificium cum ædícula D. Sebaſtiani, unde nomen Collegio.

4. Tredecim ad Indiam naves conſcenderunt, novem Luſitani, quatuor Itali. In eis P. Ludovicus Pelingotus, qui cum P. Joanne Merela ab Ethnicis Indiæ in odium fidei eſt occiſus, dum ambo Leylami neophytos habent curæ. Inſtituto noſtro animum adjececerunt Vincentius Bochia Portimananſis, Franciſcus Antonio Franco.

Profeſſi ad Indiam. Ingreſſi Societatem.

Tavora Lamecensis, Andreas Sâ, & Antonius Vasconcellus Portalegrensis, hic obiit in tirocinio, Tavora fuit Assitens, alii duo scholastici illibatis moribus.

Res Collegii
Portuensis,

5. Grande refugium pauperibus ægrotis ope nostrorum est paratum in urbe Portuensi: nam illorum suasionem permotus Lopus Almeida dotavit nosocomium in platea de Floribus nuncupata; administratur à sodalitate misericordiae. Oblivione ferè sepulta solemnitas divi Pantaleonis Martyris, urbis Patroni tutelaris, cujus & inter mania sua conservat ossa per nostros suscitata est.

Moritur Lau-
rentius Costa
scholasticus.

6. Conimbricæ fato præcoce discessit 27. Augusti Laurentius Costa scholasticus, natus Ramelæ in dioecesi Guardiensi. Antequam conjungeretur nobis, octavo quoque die animâ per homologesim expiata divinis accubuit epulis. Probationis biennio laudabiliter emenso studia scientiarum ingressus, cœpit laborare sanguinis vomitu, & phthisi. Quatuor poscebat, patientiam, fortitudinem, lætitiâ, & suæ voluntatis cum divina conformationem: mori demum, ut esset cum Christo.

Obit P. Fran-
ciscus Noro-
nius.

7. Decimâ Aprilis fatalem habuit Ulyssiponem, quam olim sortitus est natalem, illustrissimis parentibus prognatus P. Franciscus Noronius. Apud nos dedit operam Latinitati, aliisque facultatibus ad professionem necessariis. Vitam consumpsit naviter incumbendo nostris ministeriis. Primariam nobilitatem humilitate eximiâ illustriorem reddidit. Dum in urbis carcere audit ægotantium confessiones, febris perniciosâ contractâ extinctus est.

Obit P. Hiero-
nymus Car-
dozus.

8. Ibidem de vivis exiit 3. Augusti P. Hieronymus Cardozus Goveensis. Commodorum peculiarium hostis nunquam sibi indullit: propterea agens Provinciae Procuratorem nolebat uti mulis, quamvis Majores concesserint, ut minori fatigatione negotia apud tribunalia regia promoveret. Frequentes illius de rebus divinis sermones indicabant cor Deo plenum.

Missiones P.
Balth. Bar-
reira.

9. P. Balthasar Barreira, quem sub finem anni superioris diximus ex insula S. Jacobi transferârâsse ad continentem Guineæ, adiens regionem Ialtûs lez-næ velut novus sol illuxit eis regionibus in umbra mortis delitentibus. Quatuor vel quinque annos desudavit in convertendis iis Ethnicis: Reges plures tinxit baptismo. Specialis DEI providentia elucet in Rege Tora, numerabat ætatis annos triginta centenos, tam vegetus ac robustus, ut quinquagenarius videretur. Hic olim in locis Africæ mediterraneis cum abundaret populo, magnum ductans exercitum novas sedes quarentem, in has maritimas regiones pervenerat: alebatur exercitus humanis carnibus captarum nationum. Cum suis hic fixit stationem. Neque ex tanto numero alius restabat, quam ipse. Auditis sacris mysteriis baptisma recepit dictus Petrus. Erat apud eas gentes prodigii instar propter dignitatem & ætatem suam, quam non vulgaris in rebus agendis prudentia exornabat.

Res Angolæ.

10. In Angola contages turbârat Loandam: duo sacerdotes Petrus Soufa, & Gaspar Azevedus ministrârunt ægris, & incolumes redierunt. Venientem è Lusitania Fratrem Antonium de S. Stephano Episcopum domus nostræ Superior invisit, patuitque ex sermone, quàm parùm propensio in nos esset animo, à malevolis Societati multis mendacis obrutus. Id Loandæ ostendit, id in Congo, quò est profectus, & ubi gravis eum morbus oppresit. Redditus vilitudini, simulque Loandæ, didicit experienciâ, quàm erroneis imbutus esset opinionibus. Anni die primâ in templo nostro ad concionem dicens effundebatur totus in Societatis laudes, quibus & populum recreavit, & deterfit existimationem de animo nobis parùm benevolo conceptam.

11. In eadem domo apertus est ludus pro alphabetariis, qui magnopere desiderabatur. Multo jucundissimum erat populo audire, cum id Superior post concionem declarâsset. Episcopus lacrymis temperare non potuit, gratiasque dixit Superiori pro nuntiis tam lætis. Protinus, vulgatâ famâ, cœperunt confluere pueri non solum ex urbe, sed Congo, & aliis regionibus, quos eorum parentes etiam nobilitate conpicti ad perducendum mittebant.

An-